

Bemba - Fibi Amano Malembo Yamushilo - Bad Mind Scriptures

Icitencekelo 26:35 Aba banakashi baleleta isakamika kuli Isaki na Rebeka.

Amafunde 28:65 Ilyo mukaba pakati ka mishobo imbi tamwakamone kutuusha, kibili na makasa yenu tayakakwate pakunyanta na pakutuusha. Kibili kulya kwine, eko Yawe akamupeela amano aye sakamiko, amenso ayanakuka ukupembelela no mutima uwabula isubilo.

Ruti 1:18 Naomi ilyo amona ukuti Ruti ali uwashangila mukuya nankwe, alekele ukulamupapata ukubwelelamo.

2 Samwele 17:8 Kibili atila, “Bawiso walibeshiba, pamo na bantu babo, ukuti babulwi kibili bakutiina nganshi kwatifye cinama ca mu mpanga cibea ico bafyushisha utwana. Elyo na cimbi cakutila, wiso untu wasalapuka nganshi ku bulwi. Ena tasendame apalelala ifita fyakwe.

Amapinda 21:27 Ilambo ababifi balekela Yawe lyena lilamuselausha ku mukoshi, palibufi nga balipeelela pepange ilibi.

Amapinda 29:11 Icipuba cilalanga apapela icipyu caciko, lelo umuntu wamano ena aleesha ukukankatisha icipyu cakwe.

Esekieli 23:17,22,28 Abena Babiloni nabo epakulaisa kuli ena ku busanshi bwa citemwiko, na mu Iwinso Iwabo bamukowesha icakuti pakulekelesha nao asuka abatendwa. 22 Kanshi we Oliba ifi efyasosa Imfumu Yawe ati, iwe nautendwa balya bantu watemenwe, nomba ine nkalenga bakakufulilwe, no kukushinga bakese kushinguluka mpangafye yonse. 28 Ifi efyasosa Imfumu Yawe ati, ine nkakutwala ku bantu abo iwe wapata, kibili abo watendwa.

Esekieli 36:5 Ine ne Mfumu Yawe ninkalipila nganshi abantu ba mishobo iyaba mumbali, palibufi Edomu ena eo ncishishepo. Abantu kulwa cilumba cabu ne misuula yabo balipoka icalo candi, ne ncende ishakucemenamo shalisanguka ishabo.

Esekieli 38:10 Ifi efyasosa Imfumu Yawe ati, “Ndekweba iwe Gogi ukuti ilyo iyo nshita ikafika, iwe ukatampa ukulatontonkanya amapange ayabipa.

Daniele 5:20 Lelo ilintu umutima wakwe waishile ba uwaumalala ku mulandu wa cilumba, Lesa alimutamfishe pa bufumu no bucindami bwakwe bwalipwile.

Luka 12:29 Kanshi imwe mwilasakana amuti, ‘Bushe tulelya nshi nangu tulenwa nshi? Iyoo mwilasakamikwa.’

Imilimo 12:20 Herodi tabaleumfwana na bantu ba mu Turi na ba mu Sidoni. Kanshi nabo epakuyako ibumba kukumonana na Herodi. Babalilapo ukusembeleka Blasto no kwikatana nankwe, pantu ewali kanganila wa kwisano. Elyo bay a kuli Herodi pakuti bomfwane nao palwa kwikala mu cibote. Pantu icalo cabu calefumya ifyakulya mu calo ca Mfumu Herodi.

Imilimo 14:2 Lelo Abayuda abashasumine mu Mfumu balasokawila Abenafyalu, baimina ababwananyina balabacusha.

Roma 1:28 Apo aba bantu bakaana ukusakamana ifyacishinka pali Lesa, Lesa nao aleka amano yabo yawile ku fyabuwelewele. Nomba bacita ifintu bashifwile kucita.

Roma 8:6,7 Umuntu uo amano yakwe yabafye pa fyabuntunse, ninshi ni mfwu afwaya. Lelo umuntu uo amano yakwe yaba pali Mupashi, wena ashukila umweo no mutende! 7Umuntu uufwayafye ifyabuntunse, aluka umulwani wakwa Lesa. Pantu akaana ukukonka amafunde yakwa Lesa. Na mu cine tekuti ayakonke.

Roma 11:20 Ee cacishinka. Iyo misambo baliifumisheko ico ishali na cisumino. Kanshi iwe kosapofye, wilaba na cilumba, lelo uleba na katiina.

2 Kolinti 10:5 Tulacimfyia ifikansa fyonse ifyabufi. Tulacimfyia icilumba conse icilesha ukwisha Lesa. Tulanasha amatontonkanyo yonse aya bantu ukuti yanakile Kristu.

2 Kolinti 11:3 Ndi no mwenso wakuti amano yenu kuti yayalukila ku bubi, kibili mwasuula no kupetamina Kristu ne mitima yenu yonse, nga filya Efa abepelwe ku bucenjeshi bwa nsoka.

Efeso 2:3 Kwena bonse pa nshita imo na ifwe efyo twali. Twaikele mukukonkelela ulunkumbwa lubi, twalecitafye ifilefwaya imibili yesu na mano yesu. Kanshi mu buntunse bwesu pamo nga bantu bambi bonse, Lesa ali nokutukanda.

Efeso 4:17 Kanshi ndemweba no kumukonkomesa pa cinso ca Mfumu ukuti, mwilaenda ne myendele yabuwelewele nga bantu

abashaishiba Lesa.

Kolose 1:21 Na imwe bene kale mwali ukutali na Lesa, kibili mwali abalwani bakwe pa mulandu wa fyabipa ifyo mwaletontonkanya no kucita.

Kolose 2:18 Mwileka nelyo umo amusuule ukuti alimucila pa mulandu wa fimonwa, ukuicefy a kwabufi no kupepa bamalaika. Uwaba ifi aitutumunafye apabula nelyo cimo, akonkafye amano yabuntunse.

1 Tesalonika 5:14 Mwe bamunyinefwe, tulemucincisha ukuti muleebaula abanañani, mulekoselesha abamwenso, muleafwako abanakuka, muletekela abanenu imitima.

2 Tesalonika 2:2 Kanshi tulemupapata mwe bamunyinefwe ukuti, mwilatunsha mitima nangu ukuba no mwenso bamo nga batila, Ubushiku bwa Mfumu nabufika. Nalimo kuti mwatontonkanya ukuti mupashi ewalanda ifyo nangu nifwe twafunda nangu twalemba ifyo muli kalata, awe iyo.

1 Timote 6:5 Cilenga na bantu abo amano yabo yashibomba bwino, ne cishinka tabacishiba, ukulaumana Lyonse. Bena batontonkanya ukuti ukuba umwina Lesa ni nshila yakunonkelamo ifyuma.

2 Timote 3:8 Nga filya Yanesi na Yambulesi bakeenye Mose efyo aba bantu nabo bakaana icishinka. Aba bantu amano yabo tayabomba bwino kibili icisumino cabo cafyefye.

Tito 1:15 Ku bantu abakaele takwaba icabakowesha. Lelo ku bantu abaobelwa mukubifya na mukukanasumina, bena fyonse fyakubakowesha, pantu kampingu wa mitima yabo na mano yabo fyalikowela.

Bahibulu 12:3 Muletontonkanya pafyo Yesu apitilemo. Wena aleshipikisha ilyo abantu babi bamupatile nganshi. Kanshi na imwe mwilanenuka, mwilafupuka.

Yakobo 1:8 Abafye uwabula ukushininkisha ifyo ali nokucita, imicitile yakwe yaluka alukafye.